

國民 文獻 分類 編纂

國家圖書館出版社

醫藥衛生卷

975

民國時期文獻保護中心
中國社會科學院近代史研究所

編

民國文獻類編續編

民國文獻類編續編

醫藥衛生
卷
975

民國時期文獻保護中心
中國社會科學院近代史研究所
編

國家圖書館出版社

中國醫學史綱要

民國間出版

第九七五冊目錄

中國醫學史綱要 民國間出版

.....

一

醫術的浪漫史 廣學會，一九二九年出版

.....

二〇七

中國醫學史綱要

表解(一)

原百病之瘥本乎內經

辨百藥之味本乎神農

湯液本乎伊尹

(一) 中國醫學之起原

(一) 神農本草經分上中下三品凡三百六十五味舊稱

爲神農所作但古時文字未興且書中所載郡縣多

後漢時制似是仲景元化所記

(二) 黃帝內經內經十八卷靈樞居其九素問亦居其九

爲唐王冰所註釋張隱菴謂素問論病之所由生靈

樞論病之所以治呂復古方論曰內經世稱黃帝岐

伯問答之書及觀其意旨殆非一時之言其所撰述

第一 上古

(一) 名著攷

北京國醫學院

中國醫學史綱要

章

亦非一人之手劉向指爲諸韓公子所著程子謂出於戰國之末

(三)伊尹湯液(通鑑)伊尹憫生民疾苦作湯液本草

(張杲醫說)伊尹作湯液論依內經九方之制以藥

石代針砭張機華陀輩多宗之按今行湯液本草二

卷爲元王好古撰

(二) 名

醫

神農、黃帝、饒貸季、岐伯、伯高、少俞。

鬼臾區、俞跗、桐君、雷公、馬師皇、伊尹、。

中國醫學史綱要

凡例

(一) 本編爲北京國醫學院教科用書實施教授歷時數載關於教材分量屢經刪訂務求適合學者程度

(二) 自上古起至清代止共計十章每週講授二小時每章約需時四週除假期考試外足敷一學年之用章首並列表解俾易記憶

(三) 本編主旨在闡明先賢師承授受及學說制度變遷除於緒論中略有申述外並在各章內隨時提示

(四) 爲教授便利計名醫傳記間有較原傳縮減者更有集數家之說成一傳者但悉注明引用出處以便參攷其有關治療之處爲喚起學者對於先賢學說主張特別留意起見擇要另立治驗例一項非敢故爲割裂原文也但另有醫案可攷者不錄俾節篇幅

(五) 編中所列名著係表示某一時代之著作精華及學說趨向其取材以列入四庫者爲準間有增益爲數不多

北京國醫學院

中國醫學史綱要

凡例

二

中國醫學史綱要弁言

史以記言記事也。凡史所記皆易徵信，獨醫史難於徵信，何也？孔子刪書，斷自唐虞，而醫學則肇端於神農黃帝。黃帝以前之書，太史公謂其不雅馴，薦神先生難言之。夫所謂不雅馴者，大抵言醫之書，多近神怪，爲孔子所不語，故屏而不載。秦燔之際，醫卜書冊，尙存刼餘；大易大素之名，得以并傳於世。然以今之內經而論，似非大素原文。即以爲眞，亦祇得謂之醫學，不得謂之醫史也。厥後雖有醫學大成，醫林史傳諸作，與史例不合。惟明代李川父醫史十卷，中有張機王冰等補傳，饒具史裁，而四庫提要斥其冗雜特甚，蓋以所收不盡可信故也。他如王安翰之古今醫史，程雲鵬之醫人傳等，雖有其書，更與史例無關，不足取矣。竊謂醫通於道，而道非學不明，獨惜醫學之傳，或託之上古，或託之神仙，統系不明，無從考信。爲之史者，倘不明其傳受淵源，何以知人論世。例如黃帝時代，六相皆以醫兼史，凡百政教悉統於醫，故醫之歷史，此際最爲光榮，而典章無可考。自醫與史分之後，政教並爲史家所專，而醫則降爲技術矣。雖然降自降，而歷代設官論政，亦未嘗不以醫爲要也。故欲治醫學史，必先將歷代之典章學

術，搜討無遺，然後可以言史。否則醫自醫，學自學，史自史耳。何益之有哉。曩余有志於此，因方之史例，多有未合，深懼言之不文，行之不遠，未敢冒昧。擬仿漢學師承記，作醫學師承記，仿傳經表，作傳醫表，期於學術之統系，有所折衷，而徵信焉。人事紛拏，迄未有成，至今耿耿。頃樹屏仁弟，持所作中國醫學史綱要見示，曰：「此爲教科計也。」余瀏覽一過，見其所採之書，上自皇古，下及近世，於歷代醫制之變遷，醫學之授受，皆有至當之論列，與鄙意隱相合。較之李川父王宏翰諸人之書，博而能約，信而有徵，洵佳製也。學醫者，如能各手一編，則於醫制之源流，醫家之授受，醫籍之流傳，皆得有所參考。如冥行得燭，散錢有串，其有助於醫林豈淺鮮哉！於其將付剞劂也，特識數語，以弁其端。至其作書之意，緒論中已備言之，茲不復贅。時

中華民國二十五年歲次丙子十一月，三壹蕭方駿龍友。

第一章 上古

(一) 中國醫學之起源

中國文化發達最早，凡百事業，悉著先鞭。醫療方法，雖在遠古，亦應有相當發見。或則因茹毛飲血，草根樹皮之自然經驗而知補瀉。或則因架木爲巢與鳥獸搏擊之肢膚傷害而知裹紮。然徵信無從，不足以爲學也。或則用精神安慰，如劉向說苑所謂上古苗父以菅爲席，以芻爲狗，北面而祝，僅發十言則病者平復如故。此不過咒禁之濫觴，亦不足以爲學也。不爲學，則非本編所應託始者矣。

原百病之癥，本乎內經；辨百藥之味，本乎神農；湯液則本乎伊尹；此三聖人者，拯黎元之疾苦，贊天地之化育，其有功於萬世大矣。（見醫部總論）雖後世對於本草內經，多所辯論，然本草爲藥物之祖，內經乃百病之源。明學士宋景濂曰：「其言深而要，其旨邃以宏，其攷辯信而有徵，是當爲醫家之宗。」故本編即以本草內經爲起始。

(二) 上古名著攷

神農本草經

本草經三卷，分上中下三品，凡三百六十五味，以應周天之數。舊稱神農本經，漢

書藝文志未詳，至梁陶隱居始尊信而表章之。謂軒轅以前，文字未傳，藥性所主，當以識識相因，不爾何由得聞。至於桐雷，乃著作編簡。此書應與素問同類，但後人多修飾之耳。又書中所載郡縣乃後漢時制，似是仲景元化所記。掌禹錫引淮南子之言曰：「神農嘗百草滋味，一日而七十毒。由是醫方興焉。蓋上世未著文字，師學相傳，謂之本草，兩漢以來，名醫益衆，張華輩始因古學附以新說，通爲編述，本草由是見於經錄。」

按伏羲畫八卦爲文字之肇祖，至黃帝史官倉頡見鳥獸蹏迒之迹，初造書契。其始依類象形，謂之文，其後形聲相益，謂之字。如是則神農時代尙無文字，當然無著述之可能，世稱本草一書成於神農，實爲一大疑問。不過凡百事物之發見，莫不起於偶然，奈端因墜果而知吸力，瓦特由水沸發明汽機，即藥物之發明，亦必經若干年之連續試驗，始能宏其效用。上古之世，民智未啓，所賴以生活者，悉自然產生之植物。其含有偏勝之氣者，亦一併取食，因偶然之發見，乃知某也祛寒，某也潤燥，某也止瀉，某也治吐。互相傳述，遂成藥性。所謂識識相因，師學相傳，誠藥學發原之正則也。至於日食七十毒尤爲荒誕。竊意藥性相傳至神農已有成數。故史稱

神農教民稼穡，宣藥療疾，世之言本草者遂以神農爲肇祖。

黃帝內經

內經爲醫家之宗，王綸明醫雜著曰：「醫之有內經，猶儒道爲六經，無所不備。」則內經者，中國醫學之基礎也。

張志聰曰：「內經十八卷，靈樞居其九，素問亦居其九。素問論世人病之所由生也；故篇中所載陰陽寒暑之所從，飲食居處之所攝，靡弗從其本而謹制之，以示人維持而生人之愚微矣。靈樞論世人病之所以治也；故本經所論，榮衛血氣之道路，經脈藏府之貫通，靡弗藉鍼而開導之，以明理之本始。是靈樞，素問萬世所永賴，靡有息也。」

呂復古方論曰：「內經素問，世稱黃帝岐伯問答之書。及觀其旨意，殆非一時之言。其所撰述，亦非一人之手。劉向指爲諸韓公子所著，程子謂出於戰國之末，而其大略正如禮記之萃於漢儒，而與孔子子思之言並傳也。」

謹按內經爲唐王冰以九靈九素相合註釋者，醫門羣經辨論曰：「西漢書藝文志有內經十八卷及扁鵲白氏二內經，而無素問之名。隋經籍志有素問之名，而不指爲內經。」

。至於靈樞則漢唐隋藝文志皆不錄，僅隋有鍼經九卷。唐有靈寶註及黃帝九靈經十二卷而已。至王冰乃以九靈九卷牽合漢志之數，爲之註釋，復以陰陽大論託爲其師張公所藏，以補其亡逸，其用心亦勤矣。惜乎朱墨混淆，玉石相亂，訓詁失之於迂疎，引援或至於未切。至宋林億高若訥等正其誤文而增其缺義，頗於冰之有功。」

伊尹湯液

皇甫謐甲乙經序：「伊尹亞聖之才，撰用神農本草，以爲湯液。」

通鑑：「伊尹佐湯伐桀，放太甲於桐宮，憫生民之疾苦，作湯液本草，明寒熱溫涼之性，酸苦辛甘鹹淡之味，輕清重濁，陰陽升降，走十二經絡表裏之宜。今醫言藥性皆祖伊尹，著有湯液本草今行世。」

謹按現行湯液本草書凡二卷，元醫學教授王好古撰。好古東垣高弟，取本草及張仲景，成無己，張潔古，李東垣之書，間附己意集而爲此。

以上所述，爲中國醫學之原始。不過去古已遠，稽攷維艱，秦火之餘，史尤難信。雖醫筌不在被焚之列，但散見各書者，要皆片鱗短簡，博稽廣搜，呈功匪易。故世

之研求醫學者，對於古代著作，每多懷疑。伊尹湯液，固難詳攷，在內經則醫學之大綱要法早已燦然備具，絕非以陰陽五行等即能目爲玄學。況解剖二字，出於靈樞。熱論篇謂巨陽之脈，連於風府，以說明頭項痛腰脊強。陽明之脈挾鼻絡於目，以說明目疼鼻乾。若此之類頗多，其說病悉以解剖爲主。他如上古天真論之解剖面焦髮墮，陰陽別論之解癰腫痿厥腸痹等，亦多據解剖以說明。此等法式，實爲講論醫學之正法。不得因其解剖粗疏而並棄之。（見論羣經見智錄書）夫內經爲後人假託，稍具常識者，類能言之。即其內容，亦不無待商之處。然其中精粹，誠千古不磨之正法也。馬宛斯曰：「物必有所始，事必有所起。」故本篇以內經爲中國醫學之濫觴。

（三）名醫

上古史傳未備，稽攷爲艱。成周以後，記載漸多，先賢典型，始得爲後學所觀感。茲就古今醫統，史記列傳，素問歷代醫方攷及各家雜記等述其概略。然代遠年湮，不無出入。即以本草而論，神農嘗百草既見正史，又見淮南子，而帝王世紀則云黃帝使岐伯嘗味草木，作本草經。古今醫統謂桐君作採藥錄，集仙錄謂雷公作藥對，而歷代醫方考則謂

採藥錄採藥對皆桐君所作。夫嘗味草木爲研究藥物，神農也可，岐伯也亦無不可。至於著作亦出兩岐，則遠古時代之記載，亦只有姑存其說而已。

神農

炎帝神農氏初藝五穀，教民稼穡。因民有疾病，未知藥石，乃嘗百草，辨其寒熱溫平之性，君臣佐使之義，嘗一日而遇七十毒。神而化之，遂作方書，療民疾苦，由是醫方興焉。（易知錄）

黃帝

帝以人之生也，負陰而抱陽，寒暑濕之於外，喜怒勞之於內，天昏凶札，君民代有，乃上窮下際，察五氣，主五運，洞性命，紀陰陽，咨於岐伯而作內經。復命俞跗、岐伯、雷公察明堂，究脈息，巫彭桐君處方案，而人得以盡年。（史記）

僦貸季

僦貸季黃帝時人，岐伯師也。與岐伯相爲問答著爲內經。（古今醫統）

岐伯曰：「色脈者，上帝之所貴也，先師之所傳也。上古使僦貸季理色脈而通神明。」

（素問）

神農命僦貸季理色脈。(註)僦貸季，岐伯之師也。天師岐伯對黃帝云：「我於僦貸季理色脈已二世矣。」(路史)

岐伯

岐伯黃帝臣也。帝使伯嘗味草木，典主醫病經方本草素問之書悉出焉。(史記帝王世紀)黃帝咨訪岐伯，伯高少俞之徒，內攷五藏六腑，外綜經絡血氣色候，參之天地，驗之人物，本之性命，窮神極變，而鍼道生焉。(皇甫謐甲乙經序)

岐伯爲黃帝臣。帝師之，問醫，著爲素問，靈樞，總爲內經十八卷。(內經序)

伯高 少俞 鬼臾區

伯高未詳姓氏，佐帝論脈經，窮究義理，附素問中。少俞俞跗弟也。鬼臾區發明五行，詳論脈理以爲經論。(古今醫統)

俞跗

上古之時，醫有俞跗，治病不以湯液，割皮解肌，決脈結筋，搗髓腦，瀋浣腸胃，漱滌五臟，煉精易形，以去百病。(史記扁鵲傳)

桐君